

Nacmêêtê tau

Nac tokauc tenj keto buku Nacmêêtê Tau tonec. Enj kêkip namalacnênj lêng nomnja dambê to gejo-gêjac nam sa. Enj kêtap sa gebe lêng tonanj kêlênsônj ma binjêdênj masi. Enj kêsaê gebe namalac sêjam nêng kôm tosê gogenj, tec gêlic gebe namalacnênj lêng nomnja nanô masi, gêng njaôma. Ênê kauc kêsa kêpi Anôtô, tanj gêjam gôlinj namalacnênj têm nanj, nê lêng atom. Enj kêpô lênga kêtû binj tonanj, mago enj gêjam la lau gebe sênam kôm njana to têtû samuc moasinj, tanj Anôtô kêkênj gêdênj êsêac nanj, êtôm têm, tanj gêjac êsêac njawae nanj.

Njalô tanj sêjalinj sa anja buku tau namôkêlatu 12 nanj, kepenj binj tonanj, gebe Anôtô kêkênj gêng samob njanoc su. Njalô njagêdô gêlêng binj aêac gebe tasa nêng lêng nomnja tokauc ma tatu samuc nêng lêng nanjênj njajam êtôm têm, tanj tamoa nom nanj.

Binj taêsam, tanj nac tokauc taê gêjam nanj, kêsa anja nê njalêlôm njawapac to natutuc. Mago lau andanjenja sêkênj ênê buku tonec kêsêp Bibolo njalêlôm gêwinj. Tec gêwa sa gebe binj takênj gêwinja, tanj gêc Bibolo njalêlôm nanj, kêkênj njasawa gêdênj lau tonêng njalêlôm njawapac to lau-sê-gowaga amboac tonanjenj. Lau taêsam sêsaê buku tonec njabinj amboac tasalakatu tenj ma sêlic tauj nêng njakatu kêsêp buku tonanj njabinj. Go êsêacnênj kauc kêsa gebe Bibolo, tanj kêtôc gêngwapac tokainj-tokainj gêdênj namalac nanj, kêkênj nanô tenj, tanj namalac sêkênj matenj e sêjala nêng lêng nomnja njatêpôê nanô nanj.

3

Gêṇ samob toṇanoc

¹ Gêṇ samob ṇanoc gēc gêdêṇ-gêdêṇgeṇ. Ma kôm samob, taṇ sêjam sêmoa umboṇ ṇalabu naṇ, ṇanoc gēc amboac tonanṇeṇ.

² Teneṇi sêkôc aêac ṇanoc gēc, ma tamac êndu ṇanoc gēc.

Tasê gêṇ ṇatêm gēc ma tajon ṇanô sa ṇatêm gēc.

³ Sêjac ṇamalac êndu ṇanoc gēc ma sêgôm lau ôlin ṇajam êsa ṇanoc gēc.

Danseṇ gêṇ suṇa ṇanoc gēc ma takwê sa ṇanoc gēc.

⁴ Tataṇ taṇiboa ṇanoc gēc ma taômac ṇanoc gēc.

Tanam abec ṇanoc gēc ma tatê wê ṇanoc gēc.

⁵ Tasac poc êlin-êlin ṇanoc gēc ma tajon poc sa ṇanoc gēc.

Tamoa dawin taun ṇanoc gēc ma tatu mêtê taun ṇanoc gēc.

⁶ Dansom gêṇ ṇanoc gec ma tanam gêṇ sapu ṇanoc gēc.

Tanac gêṇ sa ṇanôc gēc ma tajain gêṇ ṇanoc gēc.

⁷ Takac gêṇ êṇgic ṇanoc gēc ma tasi gêṇ êpi tagen ṇanoc gēc.

Tanam taun tôṇ ṇanoc gēc ma tasôm bin ṇanoc gēc.

⁸ Têntac êwin taun ṇanoc gēc ma têntac endec taun ṇanoc gēc.

Tanac sin ṇatêm gēc ma daê wama ṇatêm gēc.

⁹ Kolenṇwaga oc kêtap ṇanô ondod sa gêjô nê kolenṇ.

¹⁰ Âê galic gêṇwapac, taṇ Anôtô gêu gêsac ṇamalac latuṇi gebe sim taun suṇa. ¹¹ Eṇ kêkêṇ gêṇ samob ṇajamanô gêdêṇ nê noc. Eṇ kêkêṇ kêsêp ṇamalac ṇalêlôm gebe sênam awen su sêṇgôn maten jalinṇa, mago ṇamalac kêtôm gebe êkip Anôtônê kôm, taṇ

gêjam gêdêŋ taŋ gêjac m kôm tau e gêdêŋ gêŋ samob ŋatêku êsuŋa naŋ, ŋam sa atom. ¹² Aê kajala gebe ŋamalac nêŋ gêŋ ŋajam kêlêlêc gebe sêmoa totêntac ŋajamgeŋ ma têtû samuc moasiŋ tokaiŋ-tokaiŋ êtôm nêŋ bêc sêmoa nomŋa teŋ gêc atom. ¹³ Ma kajala teŋ gebe Ŋamalac sêniŋ gêŋ to sê nôm gêŋ ma sêôc gêŋwapac totêntac ŋajamgeŋ naŋ kêtû Anôtônê moasiŋ teŋ amboac tonanŋeŋ. ¹⁴ Ma aê kajala gebe gêŋ samob, taŋ Anôtô gêgôm naŋ, oc ênêc endenŋ tôngeŋ. Ŋamalac têtôm gebe sênac têtû gêŋ teŋ atom ma têtôm gebe sêkôc gêŋ teŋ su atom amboac tonanŋeŋ. Anôtô kêmasaŋ gêŋ tau amboac tonanŋ kêtû ŋamalac têtêc eŋŋa. ¹⁵ Gêŋ taŋ kêsa galoc naŋ, gêdêŋ andanŋeŋ kêsa sugac. Ma gêŋ taŋ oc mênêsa naŋ, gêdêŋ andanŋeŋ kêsa su amboac tonanŋeŋ. Ma Anôtô gesom gêŋ, taŋ gêjaŋa su naŋ kêtiam.

Gêŋ alôb-alôb gêc nom

¹⁶ Ma aê galic gêŋ teŋ anga oc ŋalabu amboac tonanŋ gebe Gêŋ alôb-alôb gêc gamêŋ, taŋ gêjac biŋgêdêŋ ŋawae naŋ, ma gêŋ alôb-alôb gêc gamêŋ, taŋ gêjac mêtôc gêdêŋ ŋawae naŋ. ¹⁷ Tec aê kasôm gêc ŋoc ŋalêlôm gebe “Anôtô oc êmêtôc lau gêdêŋ to lau sec êtômgeŋ gebe gêŋ samob ŋanoc gêc ma kôm samob ŋanoc gêc amboac tonanŋeŋ.” ¹⁸ Aê kasôm gêc ŋoc ŋalêlôm gebe Anôtô gêgôm gêŋ tonanŋ gebe ênsaê to êtôc êndêŋ ŋamalac e sêjala gebe êsêac têtôm bôc. ¹⁹ Gebe ŋamalacnê lêŋ kêtôm bôcnê. Lulugeŋ sêmac êndû kêtômgeŋ. Lulugeŋ sêwê kaiŋ awenjaô tagenŋ. Ŋamalacnê gêŋ ŋajam kêlêlêc bôcnê teŋ gêc atom. Gêŋ samob gêŋ ŋaôma. ²⁰ Samob sepeŋ gamêŋ tagenŋ. Samob ŋam kêsêp kekop. Ma samob

têtu kekop êtiam. ²¹ Ŋamalac ondoci kêjala kêtu tôn gebe ŋamalac katu oc êpi lôlôc ma bôc katu oc êsêp nomlêlôm êna. ²² Amboac tonan aê galic gebe gên ŋajam kêlêlêc ŋamalac ênam nê kôm totêtac ŋajamgen ten gêc atom gebe gên tonan gêjac en ŋawae. Asa oc êtôm gebe êndôn en e êjala gên, tan mênêsa êtu ŋamunan.

9

Lau sec to lau gêdên

⁷ Amboac tonan ôna ma ônin nê m gêp totêmtac ŋajamgen to ônom nê wain tonjêlêlôm ŋajamgen gebe Anôtô gêlôc gêdên gên, tan gôgôm nan sugac.

⁸ Ôsô nê ŋakwê kwalam-kwalam ŋapan ma ônin oso môkêmapac. ⁹ Ôtu samuc ôwîn nê awê, tan têtac gawîn nan, êtôm nê bêc samob, tan Anôtô kêkên aôm gômoa oc ŋalabu nan. Bêc tonan ŋai, tan ê su ŋaômagen nan, êtu gên, tan gêjac aôm ŋawae nan, ma êtu nê gôm taôm su gômoa oc ŋalabu ŋagêjôŋa.

¹⁰ Ônam kôm samob, tan êtôm aôm lêmam nan, ôtu dôbgen gebe anga lamboam, tan aôm kopen nan, aôm ônam kôm atom ma taêm ênam bin atom to ôjala bin atom ma ôtap kauc sa atom amboac tonangen.

¹¹ Aê galic gên ten kêtiam anga oc ŋalabu gebe Lau embe sênin kwan-kwaninoc, go êsêac, tan sêlêti ŋajana nan, têtu ŋamata atom. Lau ŋactêkwa sêku nê ŋacjo tulu atom. Laumêtê têtap mo sa atom. Lau tokauc têtu lau tolêlôm atom. Lau lemenmêtêŋa têtu lau towae atom. Têm to gênwapac gêjam gôlin lau samob. ¹² Gebe ŋamalac gêjam kauc nê noc. Ŋamalac têtôm i, tan gêwê wasan sec nan,

ma têtôm moc, taŋ lip gêjac naŋ. Êndêŋ têm sec lakô oc ênac ŋamalac sep tagen.

11

Gêŋ taŋ ŋac tokauc gêgôm naŋ

¹ Ônac sam nêmo mo êtu moasiŋ. Êndêŋ ŋasawa ec baliŋ, go ôtap sa êtiam. ² Ônac sam gêŋ tau êndêŋ lau taêsam gebe aôm gôjam kauc gêŋwapac, taŋ oc êtap aôm sa aŋga nom naŋ. ³ Tao embe ênac lênsôŋ, go êsêwa kom êsêp nom. Ma ka embe êku êsêp gamêŋ gêmu kêsêp me gêmu kêpiŋa, naŋ ênêc ŋamala, taŋ êku êsêp naŋ. ⁴ Ŋac taŋ kêsaê mu naŋ, oc êpalip ŋawê atomanô, ma ŋac ten, taŋ gejob tao naŋ, oc ejon kôm ŋanô sa atom amboac tonanŋen. ⁵ Aôm gôjam kauc mutêpôê to gôjam kauc ŋapalê dedec, taŋ gêc têna têtacclêlôm naŋ, nê ŋatêkwa ŋam, tec gôjam kauc Anôtô, taŋ kêkêŋ gêŋ samob naŋ, nê kôm amboac tonanŋen. ⁶ Ôsê nêmo gêŋ êndêŋ bêbêcgen ma lêmam êlêwaŋ atom e êndêŋ êtula gebe aôm gôjam kauc ondoci oc êpoa, ŋawê taŋ kôsê gêdêŋ bêbêcgen me ŋawê, taŋ kôsê gêdêŋ kêtula naŋ, me lulugen oc êpi ŋajam êtôm taugen.

12

Puc êndêŋ lau wakuc

¹ Amboac tonan taêm ênam Anôtô, taŋ kêkêŋ aôm naŋ, êndêŋ nêmo bec ŋapalêgenŋa gebe bêc sec to jala mênêô lasê, taŋ aôm oc ôsôm gebe “Bêc tonan kêmoasiŋ aê atom.” ² Êndêŋ tonan oc to ŋawê ma ajôn to utitalata ênam kanuc ma ŋamajan êkô

êndanɣuc kom ênac. ³ Êndênɣ ɳasawa tonanɣ gejob-waga andunɣ oc têtênêp (lemenɣ) to lau ɳajanɳa têtu golonɣ (enɳainɣ). Lauo tanɣ sêlêsa polom nanɣ (luɳluɳ), sêwi kôm sinɣ gebe têtu luagêcɣenɣ. Ma êsêac, tanɣ têtu kêniɳ sêsa katam saunɣ nanɣ (matenɳanô) têtu kanuc. ⁴ Katam tanɣ kêsa intêna nanɣ (tanɳenɳunɣ), oc ɳajanɳa êsa gebe ôɳô malacluɳ ɳakicsêa atom. Sêlêsa polom ɳakicsêa ma musik êtanɳa oc ôɳô saunɳanôɣenɣ. Tagenɣ moc êtanɣ êndênɣ bêbêc oc êɳu aôm sa. ⁵ Ŋamalac oc têtêc gebe sêselêɳ gamêɳ ɳabau ma sêsa nêɳ intêna tonêɳ ɳalêlôm ɳatutucɣenɣ (ôlinɣ walô gêjanɳa). Wa ɳaola ênac lêtêɳ (môdê êsa) ma wagô êka gwec-gwecɣenɣ (têntac walô ɳawapac êsa) ma ɳamalac êɳgôm mocsac gêɳ tenɣ êtiam atom.

Gebe enɣ oc êna nê andu tenɣenɳa (sêô) ma lau-têtanɣ-tanɳiboawaga sêselêɳ sêmoa intêna. ⁶ Kapoacwalô silber oc êɳɣic ma laclu gold oc embenɣ ma popoc. Bulakôp oc popoc ma waba tatê buɳa oc ênanɳa. ⁷ Kekop tanɣ ɳam kêsêp nom nanɣ (ôlinɣ), oc êmu êna nom êtiam ma awajaô êmu êndênɣ Anôtô, tanɣ kêkêɳ nanɣ, êna êtiam. ⁸ Ŋacmêê Tau kêsôm gebe “Gêɳ samob gêɳ ɳaôma, gêɳ ɳaôma samuc ɣenɣ.”

BIBOLO DABUN
The Holy Bible in the Yabem language of Papua New
Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 11 Nov 2022 from source files dated 9 Oct 2020

447e01c5-a375-5452-ae54-b3f890293eeb